

სახელმწიფო შესყიდვის შესახებ ხელშეკრულება N07/01

პენიტენციური სისტემის პოლიტიკის შემუშავება, მართვა და ბრალდებულ/მსჯავრდებულთა ყოფითი პირობების გაუმჯობესება 270103
გამარტივებული ელექტრონული ტენდერი აუქციონის გარეშე

ქ. თბილისი

3 ივლისი 2017 წელი

ერთი მხრივ, საქართველოს სასჯელაღსრულებისა და პრობაციის სამინისტრო (შემდგომში „შესყიდველი“) წარმოდგენილი მინისტრის მოადგილის - თეიმურაზ მღებრიშვილის სახით და მეორე მხრივ, შპს „თერმორუმი“ (შემდგომში „მიმწოდებელი“) წარმოდგენილი დირექტორის - შალვა კიკნაძის სახით, „სახელმწიფო შესყიდვების შესახებ“ საქართველოს კანონის, „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული წესის მე-19 მუხლის და გამარტივებული ელექტრონული ტენდერი აუქციონის გარეშე (NAT170003667) ვდებთ ხელშეკრულებას შემდეგზე:

1. ხელშეკრულების საგანი

1.1. ხელშეკრულების საგანს წარმოადგენს საქართველოს სასჯელაღსრულებისა და პრობაციის სამინისტროს პენიტენციური დაწესებულებების საჭიროებისათვის ცხელი წყლის საცირკულაციო ტუმბოების შესყიდვა (CPVკოდი - 42122130 - წყლის ტუმბოები).

2. შესყიდვის ობიექტი

2.1. შესყიდვის ობიექტია ცხელი წყლის საცირკულაციო ტუმბოები.

3. ხელშეკრულების საერთო ღირებულება

3.1. ხელშეკრულების საერთო ღირებულება შეადგენს: 147.041.00 (ას ორმოცდაშვიდი ათას ორმოცდაერთი) ლარს.

3.2. საქონლის ერთეულის და საერთო ფასი, განსაზღვრულია დანართი N1-ით.

3.3. ამ თავის 3.2. ქვეპუნქტში აღნიშნული დანართი N1 (2 (ორი) ფურცელი) წარმოადგენს ხელშეკრულების განუყოფელ ნაწილს და თან ერთვის ხელშეკრულებას.

3.4. ხელშეკრულების 3.1. ქვეპუნქტში აღნიშნულ თანხაში შედის საქართველოს კანონმდებლობით გათვალისწინებული ყველა შესაბამისი გადასახადი.

4. შესყიდვის ობიექტის ხარისხი, გარანტია, მიწოდების ვადა და ადგილი

4.1. მიმწოდებელი იძლევა გარანტიას, რომ საქონელი იქნება ხარისხიანი, უპასუხებს ხელშეკრულების პირობებს და დააკმაყოფილებს დანართით განსაზღვრულ მოთხოვნებს.

4.2. საქონელზე ვრცელდება 1 (ერთი) წლიანი საგარანტიო ვადა დამონტაჟებიდან (თითოეული ტუმბოს საგარანტიო ვადის ათვლა დაიწყება აღნიშნული ტუმბოს დამონტაჟებიდან და შეადგენს 1 წელს). საგარანტიო პერიოდში მიმწოდებელმა საკუთარი ხარჯებით უნდა უზრუნველყოს საქონელზე გამოვლენილი ნაკლის აღმოფხვრა (შეკეთება ან ახლით შეცვლა) შეტყობინების მიღებიდან 5 (ხუთი) სამუშაო დღის განმავლობაში.

4.3. საქონლის მიწოდება უნდა განხორციელდეს მიმწოდებლის ხარჯით, ხელშეკრულების გაფორმებიდან 2017 წლის 2 ოქტომბრამდე.

4.4. მიწოდების ადგილია: ქ. თბილისი, პოლიციის ქ. N10;

5. საქონლის მიღება-ჩაბარების წესი

5.1. საქონლის მიღება ფორმდება მიღება-ჩაბარების აქტით, რომელსაც ხელს აწერენ შემსყიდველის მხრიდან სასაწყობო სამმართველოს უფროსი, ხოლო მიმწოდებლის მხრიდან დირექტორი ან/და მის მიერ უფლებამოსილი პირი.

6. ანგარიშსწორების პირობები

6.1. მიმწოდებელთან ანგარიშსწორება განხორციელდება ეროვნულ ვალუტაში.

6.2. ხელშეკრულებით განსაზღვრული შესყიდვის ობიექტის ღირებულების ანაზღაურება მოხდება უნაღდო ანგარიშსწორების ფორმით.

6.3. ანგარიშსწორების განხორციელებისათვის მიმწოდებელმა უნდა წარადგინოს მიღება-ჩაბარების აქტი, სასაქონლო ზედნადები და საგადასახადო ანგარიშ-ფაქტურა.

6.4. ანგარიშსწორება შემსყიდველის მიერ მოხდება მიმწოდებლის მიერ ამ ხელშეკრულების 6.3. ქვეპუნქტით განსაზღვრული დოკუმენტაციის წარმოდგენიდან 10 (ათი) სამუშაო დღის ვადაში.

6.5. მიმწოდებელმა ანგარიშსწორების განხორციელებისათვის 6.3. ქვეპუნქტში მითითებული დოკუმენტაცია თუ არ წარუდგინა შემსყიდველს საქონლის მიწოდების დამთავრების მეორე დღიდან 3 (სამი) თვის განმავლობაში, მიმწოდებელი მითითებული ვადის გასვლის შემდეგ კარგავს მიწოდებულ საქონელზე თანხის მოთხოვნის უფლებას შემსყიდველისათვის დოკუმენტაციის წარუდგენლობის გამო.

7. მხარეთა ვალდებულებები და უფლებები

7.1. შემსყიდველი ვალდებულია:

ა) მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;

ბ) უზრუნველყოს უფლებრივად და ნივთობრივად უნაკლო საქონლის მიღება.

7.2. შემსყიდველს უფლება აქვს:

საქონლის მიღება/ჩაბარების დროს ჩაატროს შემოწმება/კონტროლი (ლაბორატორიული კვლევა ან უფლებამოსილი სპეციალისტის/ექსპერტის დასკვნა) მიწოდებული საქონლის ხარისხის და რაოდენობის ხელშეკრულებასთან და დანართი N1- თან შესაბამისობის დადგენის მიზნით.

7.3. მიმწოდებელი ვალდებულია:

ა) მიაწოდოს შემსყიდველს ხელშეკრულების დანართი N1-ით გათვალისწინებული რაოდენობისა და ხარისხის საქონელი;

ბ) დაიცვას ხელშეკრულებით და დანართი N1 - ით გათვალისწინებული ყველა პირობა;

გ) შემსყიდველს მიაწოდოს უფლებრივად და ნივთობრივად უნაკლო საქონელი;

დ) შემსყიდველს მიაწოდოს ხელშეკრულების 6.3. ქვეპუნქტში მითითებული ყველა დოკუმენტი;

ე) ხელშეკრულების შესრულების პროცესში წამოჭრილ გაუთვალისწინებელ ხელშემშლელ გარემოებებთან დაკავშირებით, დაუყოვნებლივ გაუგზავნოს შემსყიდველს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ.

7.4. მიმწოდებელს უფლება აქვს:

მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებული პირობებით.

8. მხარეთა პასუხისმგებლობა ხელშეკრულების დარღვევისას

8.1. ხელშეკრულების პირობების არაჯეროვანი შესრულების შემთხვევაში (არაჯეროვან შესრულებაში არ ჩაითვლება საგარანტიო პირობებით გათვალისწინებული მომსახურება), მიმწოდებელს ეკისრება

პირგასამტეხლო ხელშეკრულების საერთო ღირებულების 5 % (ხუთი) ოდენობით.

8.2. საქონლის მიწოდების ვადის დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების საერთო ღირებულების 0,2% (ნული მთელი, ორი მეათედი) ოდენობით.

8.3. ხელშეკრულების N1 დანართით გათვალისწინებული რაოდენობის საქონლის მიუწოდებლობის შემთხვევაში, მიმწოდებელს ეკისრება პირგასამტეხლო ხელშეკრულების საერთო ღირებულების 5% (ხუთი) ოდენობით.

8.4. ინსპექტირებისას აღმოჩენილი დეფექტის, ნაკლის გამოსწორებისათვის ან/და შეცვლისათვის მიმწოდებელმა თუ გადააცილა ხელშეკრულებით გათვალისწინებულ ვალდებულების შესრულების საერთო ვადას მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების საერთო ღირებულების 0,1% (ნული მთელი, ერთი მეათედი) ოდენობით.

8.5. მიწოდებულ საქონელზე აღმოჩენილი ნაკლის ან დეფექტის გამოსწორებისათვის მიმწოდებელმა თუ გადააცილა 5(ხუთი) სამუშაო დღეს მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების საერთო ღირებულების 0,1 % (ნული მთელი, ერთი მეათედი) ოდენობით.

8.6. ხელშეკრულებით აღებული ვალდებულების შეუსრულებლობისათვის მიმწოდებელს ეკისრება პირგასამტეხლო ხელშეკრულების საერთო ღირებულების 10% (ათი) ოდენობით.

9. ხელშეკრულების მოქმედების ვადა

9.1 ხელშეკრულების მოქმედების ვადა განისაზღვრება ხელშეკრულებაზე ორმხრივად ხელის მოწერის დღიდან 2018 წლის 31 იანვრის ჩათვლით.

10. ხელშეკრულების პირობების გადასინჯვის შესაძლებლობა

10.1. ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

10.2. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

11. დაუძლეველი ძალა (ფორს-მაჟორი)

11.1. მხარეები არ არიან პასუხისმგებელნი თავიანთი ვალდებულების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევეს შესაბამისი დროით, გარემოებათა დასრულების შემდეგ.

11.2. ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

11.3. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები

გაგრძელდა სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

11.4. ფორს-მაჟორული გარემოების არსებობის ფაქტი დადასტურებული უნდა იყოს კომპეტენტური სახელმწიფო ორგანოს მიერ.

12. ხელშეკრულების ინსპექტირების პირობები

12.1. შემსყიდველი უფლებამოსილია განახორციელოს ინსპექტირება საქონლის მიწოდების პერიოდში ან შემდგომ.

12.2. ინსპექტირებისას ხილვადი დეფექტის, ნაკლის ასევე უხარისხოდ შესრულებული სამუშაოს აღმოჩენის შემთხვევაში ინსპექტირების განმხორციელებელმა უნდა შეადგინოს ინსპექტირების აქტი და წარუდგინოს შემსყიდველს შემდგომი რეაგირებისათვის.

12.3. ვიზუალური დათვალიერების დროს, ხილვადი დეფექტის ან/და ნაკლის აღმოჩენის შემთხვევაში, შემსყიდველი ვალდებულია დაუყოვნებლივ წერილობით ან/და სატელეფონო შტაბინებით აცნობოს მიმწოდებელს აღმოჩენილი დეფექტის, ნაკლის შესახებ და მოსთხოვოს ნაკლის, დეფექტის გამოსწორება ან შეცვლა.

12.4. ინსპექტირების აქტის საფუძველზე საჭიროების შემთხვევაში, ჩატარდება მოწოდებული საქონლის ექსპერტიზა.

12.5. გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს.

12.6. შემსყიდველის მხრიდან ხელშეკრულების შესრულების კონტროლს განახორციელებს მინისტრის მიერ უფლებამოსილი პირი.

13. ხელშეკრულების შეწყვეტა

13.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება მიმწოდებლისთვის ვალდებულების შეუსრულებლობის ან არაჯეროვნად შესრულების შესახებ წერილობითი შეტყობინების გაგზავნის შემდეგ, თუ:

ა) მიმწოდებელს ხელშეკრულებით გათვალისწინებულ ვადებში არ შეუძლია მთლიანად ან ნაწილობრივ ხელშეკრულებით ნაკისრი ვალდებულების შესრულება.

ბ) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულების შესრულება.

გ) მიმწოდებელი ხელშეკრულებით გათვალისწინებული პირობების დარღვევისათვის ხელშეკრულების მოქმედების პერიოდში დაჯარიმებულ იქნა სამჯერ.

დ) შემსყიდველისთვის ცნობილი გახდა, რომ მისგან დამოუკიდებელი მიზეზების გამო მიმწოდებელი ვერ უზრუნველყოფს ხელშეკრულებით ნაკისრი ვალდებულების შესრულებას.

ე) ხელშეკრულების ვადის გასვლის საფუძველზე.

13.2. ურთიერთშეთანხმების საფუძველზე.

13.3. ხელშეკრულების ცალკეული პირობების შეწყვეტა არ ათავისუფლებს მიმწოდებელს ხელშეკრულებით ნაკისრი სხვა ვალდებულების შესრულებისაგან.

14. დავები და მათი გადაწყვეტის წესი

14.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

14.2. შეთანხმების მიუღწევლობის შემთხვევაში, მხარეები მიმართავენ სასამართლოს საქართველოს კანონმდებლობის შესაბამისად.

15. სხვა პირობები

- 15.1. მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.
- 15.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.
- 15.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.
- 15.4. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ერთი ეგზემპლარი ინახება მიმწოდებელთან, ორი შემსყიდველთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
- 15.5. ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის იქნება წერილობითი ფორმით შედგენილი და ხელმოწერილი მხარეთა მიერ.

16. მხარეთა რეკვიზიტები

შემსყიდველი	მიმწოდებელი
საქართველოს სასჯელაღსრულებისა და პრობაციის სამინისტრო მის: ქ. თბილისი, ს. ეულის ქ. N3 ს/კ 204564934 სახელმწიფო ხაზინა კოდი: TRESGE22 ა/ა GE24 NB03 3010 0200 1650 22 მინისტრის მოადგილე  /თეიმურაზ მდებრიშვილი/ 	შპს „თერმორუმ“ ქ. თბილისი, ვაჟა ფშაველას 20 ს/კ 405134448 სს საქართველოს ბანკი ბ/კ BAGAGE22 ა/ა GE96BG0000000641294600 ტელ: 598 56 00 55 დირექტორი  /შალვა კიკნაძე/ 

#	შესყიდვის ობიექტის დასახელება	ტექნიკური მასაითიშულები	წარმოების ქვეყანა, მფარველობელი კომპანია და მოდელი	რაოდენობა (ცალი)	განზომილება	ერთეულის ღირებულება (ლარი)	საერთო ღირებულება (ლარი)	სატრანსპორტი სახეობები	მიწოდება ხ ვადა	მართვების ადგილი
1	ცხელი წლის საცირკულაციო ტუმბო	საცირკულაციო, ერთსაფეხრიანი, შეწყვეთად, INLINE ტიპის, ტემპერატურის მინიმალური დიაპაზონი -10 +130 °C, დადგის სიჩქარე IP 54, იხოლელების სიჩქარე F, შეერთება ფლანგური სამხრეთ-სამხრეთ სიგრძე 340mm, შეერთების დიამეტრი 40mm, ძაბვა 380 ვ, ნომინალური სიმძლავრე 6.5 კვტ, მაქსიმალური წარმადიბა 22 მ/კუბი საათში, მაქსიმალური სიმძლავრე 24 მ.	DCP 40/2450 T იტალია	2	ცალი	4600	9200			
2	ცხელი წლის საცირკულაციო ტუმბო	საცირკულაციო, სველი როტორი, სამოქმედო, ტემპერატურის მინიმალური დიაპაზონი -10 +110 °C, დადგის სიჩქარე IP 44, იხოლელების სიჩქარე H, შეერთება ფლანგური სამხრეთ-სამხრეთ სიგრძე 280mm, შეერთების დიამეტრი 50mm, ძაბვა 380 ვ, ნომინალური სიმძლავრე 0.87 კვტ, მაქსიმალური წარმადიბა 31 მ/კუბი საათში, მაქსიმალური სიმძლავრე 11.5 მ.	BPH 120/280.50 M იტალია	5	ცალი	1350	6750			
3	ცხელი წლის საცირკულაციო ტუმბო	საცირკულაციო, სველი როტორი, სამოქმედო, ტემპერატურის მინიმალური დიაპაზონი -10 +120 °C, დადგის სიჩქარე IP 44, იხოლელების სიჩქარე H, შეერთება ფლანგური სამხრეთ-სამხრეთ სიგრძე 280mm, შეერთების დიამეტრი 50mm, ძაბვა 380 ვ, ნომინალური სიმძლავრე 0.898 კვტ, მაქსიმალური წარმადიბა 31 მ/კუბი საათში, მაქსიმალური სიმძლავრე 11.5 მ.	BPH 120/280.50 T იტალია	15	ცალი	1380	20700			
4	ცხელი წლის საცირკულაციო ტუმბო	საცირკულაციო, ერთსაფეხრიანი, შეწყვეთად, INLINE ტიპის, ტემპერატურის მინიმალური დიაპაზონი -10 +130 °C, დადგის სიჩქარე IP 54, იხოლელების სიჩქარე F, შეერთება ფლანგური სამხრეთ-სამხრეთ სიგრძე 358mm, შეერთების დიამეტრი 55mm, ძაბვა 380 ვ, ნომინალური სიმძლავრე 7.5 კვტ, მაქსიმალური წარმადიბა 66 მ/კუბი საათში, მაქსიმალური სიმძლავრე 40 მ.	DCP-G 65- 4100/A/BAQE7.5 იტალია	2	ცალი	7450	14900			
5	ცხელი წლის საცირკულაციო ტუმბო	საცირკულაციო, სველი როტორი, სამოქმედო, ტემპერატურის მინიმალური დიაპაზონი -10 +120 °C, დადგის სიჩქარე IP 44, იხოლელების სიჩქარე H, შეერთება ფლანგური სამხრეთ-სამხრეთ სიგრძე 280mm, შეერთების დიამეტრი 50mm, ძაბვა 380 ვ, ნომინალური სიმძლავრე 0.898 კვტ, მაქსიმალური წარმადიბა 31 მ/კუბი საათში, მაქსიმალური სიმძლავრე 11.5 მ.	BPH 120/280.50 T იტალია	2	ცალი	1380	2760			
6	ცხელი წლის საცირკულაციო ტუმბო	საცირკულაციო, სველი როტორი, სამოქმედო, ტემპერატურის მინიმალური დიაპაზონი -10 +110 °C, დადგის სიჩქარე IP 44, იხოლელების სიჩქარე H, შეერთება ფლანგური სამხრეთ-სამხრეთ სიგრძე 280mm, შეერთების დიამეტრი 50mm, ძაბვა 380 ვ, ნომინალური სიმძლავრე 1.63 კვტ, მაქსიმალური წარმადიბა 34 მ/კუბი საათში, მაქსიმალური სიმძლავრე 18.5 მ.	BPH 180/280.50 T იტალია	8	ცალი	1440	11520			

